



Samþykktir

**Golfklúbbur Selfoss**

1.	HEITI FÉLAGSINS, HEIMILI, TILGANGUR OG VARNARÞING.....	1
2.	STJÓRNNSKIPULAG .....	1
3.	AÐALFUNDIR / FÉLAGAFUNDIR .....	1
4.	STJÓRN FÉLAGSINS .....	2
5.	STJÓRNARFUNDIR OG VERKASKIPTING STJÓRNAR .....	2
6.	NEFNDIR.....	3
7.	FRAMKVÆMDASTJÓRI .....	3
8.	REIKNINGSÁR .....	3
9.	LEIKREGLUR.....	3
10.	HEIÐURSFÉLAGAR.....	3
11.	SLIT Á FÉLAGINU .....	3
12.	BREYTINGAR Á LÖGUM .....	3

# **Samþykktir**

## **Golfklúbbur Selfoss**

### **1. HEITI FÉLAGSINS, HEIMILI, TILGANGUR OG VARNARÞING**

- 1.1 Heiti félagsins er Golfklúbbur Selfoss.
- 1.2 Félagið er almennt félag.
- 1.3 Heimilisfang félagsins er Svarfhólsvöllur, 801 Selfoss.
- 1.4 Félagið er aðili að Golfsambandi Íslands (GSÍ).
- 1.5 Tilgangur félagsins er rekstur golfvallar, sala á golfvörum, veitingum og tengdur rekstur ásamt því að glæða áhuga á golfíþróttinni og skapa áhugamönnum aðstöðu til að iðka hana.
- 1.6 Varnarþing þess er á Selfossi, Árnessýslu. Sé mál höfðað gegn féluginu skal það höfðað fyrir Héraðsdómi Suðurlands.

### **2. STJÓRNSKIPULAG**

- 2.1 Með stjórnun félagsins fara:
  - a) Félagafundir.
  - b) Stjórn félagsins.
  - c) Framkvæmdastjóri.

### **3. AÐALFUNDIR / FÉLAGAFUNDIR**

- 3.1 Æðsta vald í öllum málefnum félagsins, innan þeirra takmarka sem samþykktir þess og landslög setja, er í höndum lögmætra aðalfunda. Á þeim ræður afl atkvæða nema öðruvísi sé mælt í samþykktum þessum.
- 3.2 Tillögur um breytingar á samþykktum félagsins má ekki taka til meðferðar á aðalfundi nema þess hafi verið getið í fundarboði og þá þarf 2/3 atkvæða til að tillagan nái fram að ganga.
- 3.3 Félagafundi skal halda eftir ákvörðun stjórnar eða að kröfu 1/20 félagsmanna. Skal krafan þá vera skriflega gerð og fundarefni tilgreint. Fundur skal þá boðaður af stjórn innan þriggja vikna.
- 3.4 Aðalfund og aukafund skal boða með minnst viku fyrirvara í tölvupósti til félagsmanna og á heimasíðu klúbbins.
- 3.5 Fundir eru löglegir, sé löglega til þeirra boðað.
- 3.6 Aðalfund skal halda eigi síðar en 15. desember ár hvert. Á aðalfundi skulu eftirfarandi mál tekin fyrir.
  1. Kosning fundarstjóra og ritara.
  2. Skýrsla stjórnar.
  3. Reikningar lagðir fram til samþykktar.
  4. Skýrslur nefnda.
  5. Lagabreytingar.
  6. Kosningar samkvæmt 4. og 6. kafla.
  7. Félagsgjöld
  8. Fjárhagsáætlun næsta árs afgreidd.
  9. Önnur mál.
- 3.7 Aðalfundur ákveður félagsgjöld næsta árs. Heimilt er að leggja á sérstakt framkvæmdagjald þegar um viðamiklar framkvæmdir er að ræða.
- 3.8 Atkvæðisrétt hafa allir skuldlausir félagar við klúbbinn 16 ára og eldri.

- 3.9 Félagsmenn sem vilja gera tillögur til lagabreytinga eða starfstilhögunar skulu senda stjórn félagsins þær eigi síðar en 1. nóvember.

#### **4. STJÓRN FÉLAGSINS**

- 4.1 Stjórn félagsins skal skipuð sjö mönnum sem kosnir eru á aðalfundi. Formann stjórnar skal kjósa sérstaklega til tveggja ára í senn. Meðstjórnendur skulu kosnir til tveggja ára, þrír hvert ár. Á fyrsta stjórnarfundi skipta stjórnarmenn með sér störfum þannig að einn skal vera varaformaður, einn ritari, einn gjaldkeri og þrír meðstjórnendur.

- 4.2 Framboð til stjórnar skal vera skriflegt og skilað inn síðasta lagi viku fyrir aðalfund.

- 4.3 Stjórnarkjör fer fram sem meirihlutakosning milli einstaklinga.

- 4.4 Stjórnarkjör skal vera skriflegt, ef tillögur koma fram um fleiri menn en kjósa skal.

#### **5. STJÓRNARFUNDIR OG VERKASKIPTING STJÓRNAR**

- 5.1 Formaður kveður stjórnina til funda og stýrir þeim. Stjórnarfundi skal halda hvenær sem hann telur þess þörf. Fund skal halda ef einhver stjórnarmanna eða framkvæmdastjóri krefst þess.

- 5.2 Stjórnarfundur er ákvörðunarbær þegar meirihluti stjórnarmanna tekur þátt í fundarstörfum. Mikilvæga ákvörðun má þó ekki taka nema allir stjórnarmenn hafi haft tök á því að fjalla um málið, sé þess kostur. Segi stjórnarmaður sig úr stjórn heldur stjórn þó enn ákvörðunarbærni að því gefnu að meirihluti stjórnarmanna (4/7) taki þátt í fundarstörfum.

- 5.3 Einfaldur meirihluti stjórnarmanna ræður kjöri á stjórnarfundi. Falli atkvæði jöfn þá fellur tillagan.

- 5.4 Í fjarveru formanns tekur varaformaður við skyldum hans.

- 5.5 Stjórnendur skulu halda fundargerðir um það sem gerist á stjórnarfundum og staðfesta þær með undirskrift sinni. Fundargerðir skulu birtar opinberlega og vera aðgengilegar félagsmönnum.

- 5.6 Stjórn hefur heimild til þess að skipa sérstakar nefndir til þess að fjalla um ákveðið verkefni. Niðurstöður þeirra skulu þó aðeins vera leiðbeinandi fyrir stjórnina, en hún ekki bundin af þeim við afgreiðslu einstakra mála.

- 5.7 Stjórnin hefur æðsta vald í málefnum félagsins milli aðal-/félagafunda og setur félagini markmið í rekstri með hagsmuni þess og félagsmanna að leiðarljósi í samræmi við tilgang félagsins. Stjórnin ræður félagsmálum milli aðal-/félagafunda og skuldbindur félagið með ályktunum sínum og samningum. Stjórnin ræður framkvæmdastjóra, ákveður ráðningakjör og gerir við hann ráðningarsamning.

- 5.8 Samþykki félagafundar þarf til stórra ákvarðana svo sem verulegra eignabreytinga og annars sem getur haft mikil fjárlátlát í för með sér. Í þessu sambandi telst það vera veruleg eignabreyting ef andvirði hennar nemur hærra hlutfalli en 50% af heildareignum félagsins samkvæmt síðasta ársreikningi. Þá teljast það vera mikil fjárlátlát ef fjárlátin nema hærri fjárhæð en 50% af rekstrartekjum félagsins samkvæmt síðasta ársreikningi.

- 5.9 Stjórninni er heimilt að greiða mönnum beinan kostnað sem leiðir af störfum þeirra fyrir félagið.

- 5.10 Stjórnin veitir prókúruumboð.

- 5.11 Undirskrift meirihluta stjórnarmanna þarf til þess að skuldbinda félagið.
- 5.12 Stjórn er heimilt að setja reglur um starfsemi golfklúbbsins í formi reglugerða.

## **6. NEFNDIR**

- 6.1 Fastar starfsnefndir, kosnar til eins árs eru; mótanefnd, aganefnd, barna- og unglingsanefnd, félaganefnd, eldri kylfinganefnd, afreksnefnd og vallarnefnd.
- 6.2 Formaður hverrar nefndar skal kosinn á aðalfundi, en nefndir skipta að öðru leyti með sér verkum.

## **7. FRAMKVÆMDASTJÓRI**

- 7.1 Framkvæmdastjóri annast daglegan rekstur félagsins í samræmi við þær reglur sem honum eru eða verða settar af stjórn félagsins og gildandi lögum. Hinn daglegi rekstur tekur ekki til ráðstafana sem eru óvenjulegar eða mikils háttar.
- 7.2 Framkvæmdastjóri skal sjá um að bókhald félagsins sé fært í samræmi við lög og venjur og meðferð eigna félagsins sé með tryggilegum hætti.
- 7.3 Framkvæmdarstjóri er skyldugur að hlíta öllum fyrirmælum stjórnar. Honum ber að veita endurskoðanda eða skoðunarmanni allar þær upplýsingar sem hann óskar.

## **8. REIKNINGSÁR**

- 8.1 Reikningsár er frá 1. nóvember til og með 31. október.

## **9. LEIKREGLUR**

- 9.1 Við leik skal fara eftir R&A Rules Limited golfreglum eins og þær eru á hverjum tíma, en sérreglur setur stjórn eftir því sem henni þurfa þykir. Sérhver félagi er skyldugur til að fara eftir settum reglum um leik, umferð og umgengi á golfvellinum og í klúbbhúsi. Stjórn getur látið brot gegn reglum þessum varða áminningu, réttindamissi eftir atvikum eða brottrekstri ef um ítrekaðar eða miklar sakir er að ræða. Heimilt er félagsmanni sem fyrir slíku verður, að skjóta máli sínu til næsta aðalfundar, sem tekur lokaákvörðun um málið.

## **10. HEIÐURSFÉLAGAR**

- 10.1 Fyrir einstök og verðskulduð störf í þágu félagsins getur stjórnin ákveðið að tiltekinn félagsmaður, einn eða fleiri, verði gerður að heiðursfélaga. Heiðursfélagar greiða ekki árgjald en njóta allra félagsréttinda. Tilnefningunni skal fylgja sérstakt skjal til staðfestingar.
- 10.2 Á sérstökum tímamótum getur stjórnin veitt félagsmönnum og/eða velunnurum félagsins heiðursmerki og/eða afreksmerki félagsins í samræmi við reglur sem um slíkt gilda.

## **11. SLIT Á FÉLAGINU**


- 11.1 Hætti klúbburinn störfum, tekur sérstakur félagafundur ákvörðun um það. Til lögmaðis þeirrar ákvörðunar þarf helmingur félaga að vera á fundi og 2/3 hlutar þeirra að gera því atkvæði. Mæti ekki helmingur félagsmanna á fund, skal boða til nýs fundar innan 3ja vikna og er sá fundur ályktunarhæfur um þetta mál, hversu fáir sem koma, sé löglega til hans boðað.

## **12. BREYTINGAR Á LÖGUM**

- 12.1 Þannig samþykkt á aðalfundi 12. desember 2019.  
Þannig samþykkt á aðalfundi 9. desember 2021.  
Samþykkt breyting á 1., 3. og 4. gr. og ákvæði um stundarsakir bætt við á aðalfundi

9. desember 2021.  
Þannig samþykkt á aðalfundi 6. desember 2023.

F.h. Golfklúbbs Selfoss

DocuSigned by:  
  
pr.pr. Hlynur Geir Hjartarson, framkvæmdastjóri